



This programme is funded
by the European Union



Zhvillim lokal
Fuqizim
Partneritet
Rrjetëzim
Inovacion
Bashkëpunim

**Sipas Projektligjit
mbi Organizimin dhe
Funksionimin e
Grupeve Vendore të
Veprimit:**



Qëllimi i Grupeve Vendore të Veprimit:



Qëllimi i GVV-ve është të mundësojnë përmes partneritetit lokal dhe metodës nga poshtë-lart përfshirjen e komuniteteve lokale në identifikimin dhe zbatimin e strategjive të zhvillimit të udhëhequra nga vetë komuniteti në varësi të nevojave të tyre, sigurimi i një mjedisi për investimet në zonat rurale nga vetë komuniteti si dhe ngritja e kapaciteteve vendore.

**Sipas Projektligjit
mbi Organizimin dhe
Funksionimin e
Grupeve Vendore të
Veprimit:**



“Grup Vendor i Veprimit”- organizatë jo fitimprurëse me bazë partneriteti e përbërë nga përfaqësues të interesave lokale socio-ekonomike publike dhe private, ku në nivelin e vendimmarrjes asnjë autoritet publik/grup interesi nuk përfaqëson më shumë se 49% të të drejtave të votës.

“LEADER” - metoda e veçantë e krijuar nga Komuniteti European, për t’u ofruar komuniteteve rurale në BE një metodë për përfshirjen e partnerëve vendorë në drejtimin e zhvillimit të ardhshëm të zonave rurale, mobilizimin dhe arritje të zhvillimit territorial.

“Zona LEADER”- një zonë rurale nën-rajonale që përcakton kufijtë brenda të cilëve hartohet dhe zbatohet një strategji e veçantë e zhvillimit lokal e udhëhequr nga komuniteti.

Parimi i Partneritetit



GVV është shprehje e një partneriteti lokal të gjerë dhe përfaqësues që në çdo rast përfshin tipologji të ndryshme të partnerëve:

- Njësitë e vetë-qeverisjes vendore dhe institucione të tjera publike, si: bashkia ose qarku, institucionet e dekoncentruara në nivel lokal dhe rajonal, agjenci rajonale, apo degë të enteve publike kombëtare, etj.
- Përfaqësuesit të sektorit privat fermer dhe jo fermer, sipërmarrje fermere/jo-fermere në nivel individual ose shoqate, organizata dhe unione profesionale që përfaqësojnë fermerët, profesionistët jo fermerë dhe mikro-sipërmarrjet, dhe shoqatat tregtare.
- Organizata që përfaqësojnë shoqërinë civile, organizatat e banorëve, shoqatat ambientaliste, shoqatat e grave dhe të rinjve, ofruesit e shërbimeve kulturore dhe komunitare si mediat, organizata të tjera jofitimprurëse, dhe organet përgjegjëse për promovimin e përfshirjes sociale, barazisë gjinore dhe mos-diskriminimit.

Parimi territorial



Një **GVV** mund të themelohet vetëm në një zonë **LEADER** duke përcaktuar kufijtë më të përshtatshëm për të arritur objektivat.

Zona LEADER duhet të ketë qartësisht të dallueshëm dhe qëndrueshëm koherencën fizike/territoriale, sociale dhe ekonomike, dhe në të njëjtën kohë duhet të ketë mjaftueshëm “masë kritike” sipas këtij neni, për të arritur objektivat e saj.

Kufijtë e zonës LEADER duhet të plotësojnë këto kritere:

- të jenë të vazhdueshëm gjeografikisht;
- të mbulojnë një territor rural me popullsi jo më pak se 10,000 dhe jo më shumë se 150,000 banorë.

Kufijtë administrativë të bashkisë, nuk kanë rol kufizues në përcaktimin e kufijve të zonës LEADER.

Parimi nga poshtë - lart




Metoda nga poshtë-lart - aktorët lokalë marrin pjesë në vendimmarrjen mbi strategjinë dhe prioritetet e zgjedhura që do të ndiqen në zonën e tyre.

Përfshirja e aktorëve lokalë do të thotë që përfshihet edhe popullsia në një masë të madhe, grupet e interesave ekonomike dhe sociale, dhe përfaqësuesit e institucioneve publike dhe private.

Për të aplikuar parimin nga poshtë-lart, GVV do të përfshijnë aktorët lokalë në përgatitjen, zbatimin dhe vlerësimin e Strategjive të Zhvillimit Lokal të Udhëhequra nga Komuniteti, lidhur me:

- a. analizimin dhe identifikimin e nevojave;
- b. përcaktimin e objektivave të përgjithshme dhe specifike;
- c. përcaktimin e prioriteteve përkatëse të zgjedhura
- d. alokimin e fondeve;
- e. zbatimin e strategjisë;
- f. monitorimin dhe vlerësimin e progresit të zbatimit të strategjisë.

Parimi i Rrjetëzimit dhe Bashkëpunimit



Me qëllim tejkalimin e izolimit të zonave rurale dhe fuqizimin e kapaciteteve të aktorëve lokalë të zonave LEADER për të ndjekur objektivat e tyre zhvilluese përmes shkëmbimeve të dijeve dhe eksperiencave si dhe bashkëpunimit konkret me territore të tjera, transferimi i praktikave dhe përhapja e risive të GVV-ve do të lejohen dhe inkurajohen të promovojnë aktivitetet në rrjet dhe projektet e bashkëpunimit në nivel kombëtar dhe ndërkombëtar.


Fushat e veprimit të GVV



Fusha e veprimit të GVV-ve është mbështetja e rritjes ekonomike, sociale dhe kulturore të komuniteteve të zonës LEADER, përmes rritjes së vlerave të burimeve lokale dhe asetëve, përmes hartimit dhe zbatimit të Strategjisë së Zhvillimit Lokal të Udhëhequr nga Komuniteti.

Për këtë qëllim, GVV mund të promovojë lloje të ndryshme aktiviteteve, të tilla si:

- a. pjesëmarrjen në iniciativa rajonale, kombëtare dhe ndërkombëtare për financimin e iniciativave të qëndrueshme;
- b. pjesëmarrjen në rrjete kombëtare dhe ndërkombëtare, shoqata apo institucione.
- c. Promovimin e iniciativave të komunikimit, bashkëpunimit në rrjet dhe projekteve të bashkëpunimit.
- d. ofrimin e informacioneve, mbështetjes teknike dhe trajnimit të promotorëve lokalë potencialë të projekteve;



Struktura e GVV


GVV krijohen dhe funksionojnë si organizata jo-fitimprurëse me anëtarësi

Në respektim të dispozitave dhe kërkesave të tjera të këtij ligji, në mënyrë të veçantë barazinë gjinore në strukturat e saj, një GVV akreditohet dhe regjistrohet vetëm nëse struktura e tij organizative ka të paktën këto struktura të brendshme:

- a. Asamblenë e Përgjithshme;
- b. Presidentin;
- c. Bordin Ekzekutiv;
- d. Stafin, që do të përfshijë të paktën:
 - i. Drejtorin Ekzekutiv;
 - ii. Kontabilistin (që mund të jetë ekspert i jashtëm);



Struktura e GVV



Asambleja e Përgjithshme e GVV - organi më i lartë vendimmarrës ku të gjithë anëtarët e GVV ftohen në mbledhje të paktën një herë në vit, dhe është përgjegjëse për zgjedhjen e Bordit dhe Presidentit nga radhët e anëtarëve të GVV.

Bordi i GVV - organi më i lartë ekzekutiv ku përfaqësohen të gjithë partnerët e zonës LEADER. Bordi i GVV është përgjegjës për vendimmarrjen e përditshme të GVV dhe për funksionimin ligjor dhe financiar të tij, gjithashtu përgjegjës për autorizimin e kostove operative.

Presidenti i GVV udhëheq mbledhjet e Bordit.

Bordi - emëron nën-komitete për të përgatitur dhe vlerësuar materialet që do të paraqiten për vendimmarrjen e Bordit.

Stafi i GVV - përfshin këshilltarë/koordinatorë projektesh, këshilltarë/koordinatorë komuniteti, këshilltarë/koordinatorë biznesi, asistentë zyre, etj., nëse konsiderohet e nevojshme.

Funksionet e GVV



Grupi Vendor i Veprimit i akredituar dhe regjistruar, harton dhe/ose miraton strategjinë e zhvillimit lokal të udhëhequr nga komuniteti për zonën **LEADER** që mbulon.

Strategjia e zhvillimit lokal e udhëhequr nga komuniteti miratohet nga **Asambleja e Përgjithshme e GVV** pasi vërtetohet:

- a. Numri i banorëve dhe përkufizimi i zonës për të cilën ajo zbatohet;
- b. Analiza e nevojave të zhvillimit dhe potenciali konkurrues i zonës;
- c. Përshkrimi i strategjisë dhe objektivave të saj;
- d. Përshkrimi i procesit gjithëpërfshirës të komunitetit të Zonës LEADER, gjatë përgatitjes së tij;
- e. Plani i veprimit që përcakton veprimet konkrete që zbatohen për realizimin e objektivave të tij;
- f. Përshkrimin e rregullave të menaxhimit dhe monitorimit të strategjisë;
- g. Planin financiar për zbatimin e strategjisë si dhe burimet e financimit të tij.

Funksionet e GVV



Gjatë zbatimit të strategjisë së zhvillimit lokal të udhëhequr nga komuniteti, GVV duhet të kryejnë funksionet e mëposhtme:

- a. të krijojë kapacitetet e aktorëve lokalë për të zhvilluar dhe zbatuar masa/aktivitete që përfshijnë fuqizimin e kapaciteteve të tyre të menaxhimit të projekteve;
- b. të hartojë një procedurë seleksionimi jo-diskriminuese dhe transparente
- c. të sigurojë koherencë me strategjinë e zhvillimit lokal të udhëhequr nga komuniteti;
- d. të përgatisë dhe publikojë kërkesa për propozime ose një procedurë të vazhdueshme të paraqitjes së projekteve
- e. të marrë dhe vlerësojë aplikimet për mbështetje;
- f. të përzgjedhë projektet dhe të përcaktojë masën e mbështetjes
- g. të monitorojë/zbatojë strategji të zhvillimit lokal të udhëhequra nga komuniteti
- h. të vitalizojë strategjinë e zhvillimit lokal të udhëhequr nga komuniteti

Organizimi i GVV



Gjatë realizimit të misionit të tij publik, aktivitetet e GVV kryhen në përputhje me parimet e një prokurimi publik efektiv, transparent dhe llogaridhënës dhe me parimet e menaxhimit të qëndrueshëm financiar;

Asambleja e Përgjithshme e GVV duhet të aprovojë një rregullore të brendshme që përcakton procedurat me të cilat GVV funksionon. Rregullorja e Brendshme duhet të rregullojë të paktën këto çështje:

- a. Aplikimin e parimit të partneritetit;
- b. Aplikimin e parimit nga poshtë-lart;
- c. Aplikimin e parimit të rrjetëzimit dhe bashkëpunimit;
- d. Organizimin e strukturës operacionale (stafit);
- e. Menaxhimin e Burimeve Njerëzore;
- f. Prokurimin e mallrave dhe shërbimeve;
- g. Hartimin dhe zbatimin e strategjisë së zhvillimit lokal të udhëhequr nga komuniteti;
- h. Konfliktin e interesit.

FALEMINDERIT!